

Кузь нэм да бур шуд!

Эжа йывлөн слава

Зинаида Ивановна Липина



Чужис 1950 вося октябр 17 лунö Кулөмдинын. Комын во вурсис бытөвөя могмөдан комбинатын, шедөдс коммунистическөй уджывса ударниклысь ним. Öнi пелькөдчö районса администрацияын. Бөрйылысны райсоветса депутатөн.

Верөсыскөд быдтис да велөдс кум челядьс.

Бур уджысь сетисны «Уджывса ветеран» ним, почёт грамотаяс.

Олө Кулөмдинын.



Звезда

Эжа йывса войтырлөн газет

Тайö сөмын дзоридзис, вотöсыс водзын на

(коми шусьөг)

Петö 1929 восянь

Субöта, 2011 вося декабр 17 лун

151 (10426)-өд №

ТÖДÖЙ, МЫЙ ВЫЛЫС

ВЫНСЬÖДИСНЫ БЮДЖЕТ

Декабр 14 лунö вöли районса Сöветлөн заседание.

Уна лыда видлалантор пöвстын медся тöдчанабн вöли «Кулөмдин» муниципальной районлөн 2012 во да 2013 да 2014 вояслөн урчитом кад кежлö бюджет видлалом.

2013 во кежлö вынсьöдисны районлысь бюджет 776 423 340 шайт öтувъя доходон да 779 823 340 шайт öтувъя рөскөдөн.

ПОЛИЦИЯЛÖН УДЖ ЙЫЛЫСЬ

Декабр 14 лунö «Кулөмдин» муниципальной районлөн Сöветса депутатъяс водзын сёрнитис пытшкөсса делöяс кузя Российской Федерацияса министрстволөн Кулөмдин районса юкөнөн веськөдлысь В.В.Волков.

Сийö тöдмөдс, кызди районын пöртсö оломö «Правопорядок» программа. Урчитомторъяс пивыс кызвыныс збыльмөдсö, но мыж вöчöны ёна. Паськаломма вина юом, омöля котыртöма том йöзöс воспитайтан да бурторъясон шымыртан удж.

КАРСЯНЬ МАТÖДЖЫК

«Монди СЛПК лесная компаниялөн» Верхне-Вычегодскöй филиал дас öти тöлысьбн заптис да кыкис 191,5 сюрс кубометр вөр, кольöм воын серти 17,3 сюрс кубометрөн этшаджык.

Талун сылөн техникаыс оз нин пöрöдчы районын. Мунисны юркарлань матöджык. Öти юкөныс уджалö Корткерөс районса Пöддельнöй, мөдыс - Сыктыв районса Мандач дорын.

ВЫЛЬМÖДИСНЫ ВА БОСЬТАНИН

Озъягын выльмөдисны вöвлөм леспромохольсь ва босьтанин.

Предприятие тухкысьöм бöрын сийöс эновтисны. Посёлокын кольлис сөмын öти ва босьтанин, ва век эз тырмы. Выльмөдисны уджтöмалысьяс, районса бюджетысь торйөдлисны 120 сюрс шайт.

КЫПÖДАСНЫ ЧАСОВНЯ

Кулөмдинын Петыр-Павел вичко чукöртö сьом, медым вежа ва петанинын кыпöдны Николай Чудотворецлысь часовня.

Кыпöдасны 1934-өд воын сотчöм часовня местаö öзыйтöм материалысь. Нöшта вöчасны ваö пыраланин. Пöрысь йöзлөн висьталом серти, ва отсалö кучик да кынөм висьбмысь.

РАЙОН КОЙМÖД

Кебаньельын футболысь ордйысисны велөдчысьяс.

Сизим котырысь медводзö петис Кулөмдин, мөдөн лоис Кебаньель, коймөдөн - Зимстан.

Помөсдинын волейболысь вермис татчос нывъяслөн котыр. Мөд места шедөдисны кулөмдинсаяс да коймөдс - помөсдинсаяс. Зонъяс пöвстын бара жö вермисны помөсдинсаяс.

Сыктывкарын туризм кузя ордйысьöмын район шедөдис коймөд места. Медбуръяс лыдын Дарья Галиновская, Руслан Гевейлер да Алёна Гнидина.

Асланым да общ. корреспондентъяс.



МАШИНА КОЛИС КУЛÖМДИНÖ

Госдумаса депутатъясöс бөрйигөн района бөрйысян участокъясын быд мортлы сетисны лыдпасъяса календарик, мый вылö вермис усны «Нива-Шевроле» автомашина да юркарысь кык жыръя патера. Машина вылö шуда номерон лоис 007498. Сийö усис Кулөмдинса олысь Анатолий Дмитриевич Гичевлы. «Нива-Шевроле» ключ сылы сетис акция нуодысь «Опора России» котырлөн Кулөмдинса юкөнөн веськөдлысь, райсоветса депутат Р.В.Третьяков.

А.Д.Гичев Кулөмдинса 38 арöса. Мамыс водзти веськөдлис Кулөмдинса вый вöчан заводөн. Анатолийлөн кык вок да кык чой. Сийö медся ичöt. Нина да Дина чойясыс олоны Кулөмдинын, Владимир -

Помөсдинын, Александр-юркарын. Кулөмдинса шөр школа помалөм бöрын велөдчис Вяткаса государственной академияын да босьтис инженер-механикысь специальностис. Служитис Йошкар-Олаын. Армия бöрын вöли 5 номера ПМК котырын да кылөдчан участокын механикөн. Велөдчис уджавны харвестерөн да заптис вөр Пузлаын да Зимстанын.

Гöтырыскөд, Людмила Викторовнакөд, олоны ас керкаын, быдтöны кык челядьс. Максим велөдчö мөдөд классын, 8 тöлысь сайын чужис Полина. Медым кокнөдны гöтырсö, дугдс уджавны. Öтпырйö велөдчö 15 номера училищелөн Кебаньельса филиалын вöдитчыны компьютерөн.

А.Д.Гичев гöтырыскөд

бөрйысьöны век. Декабр 4 лунö гөлөсуйтисны 12 час бöрын 504 бөрйысян участокын. Машина вылö лача эз кутны.

Пудъясян лунö Анатолий Дмитриевич асывсанысь велтис кыйны йи улысь чери. Гортас локтөм бöрын звонитлис Нина чойыс да корис видзöдлыны календариклысь номеръяс.

- Гöтыр шуис, мый видзöдлис асысь календариксö да эз лöсаяв кызь лыдпас, - висьталис А.Д. Гичев. - Но тэ пö гөлөсуйтын бöрынджык да, гашкө, шудаджык. Видзöдл да, найö лöсаялсны газетын йöзöдөм лыдпасъяскөд. Пыралим и интернетö. Збыльсьяс, меным усьöма машина, кодс сулалис районса администрациялөн керка водзын.

Анатолий Дмитрие-

вичлөн эм нин аслаз ВАЗ. Ньöблिसны сийöс Дина чойыскөд 1994 воын. Водительлысь право босьтис школаын на велөдчигөн. Академияын сдایتис нöшта «Б» категория вылö. Мөвпалис ньöбны выль машина, чукöртис сьом, но öни ньöбны оз ков. «Нива-Шевроле» зэв бур машина. Важсö кöсйö сетны Дина чойыслы.

Пасъям: ичöt да шөр бизнес кузя «Россиялөн опора» общественной котырлөн районса юкөн быд бөрйысян участокын котыртлис бытөвöй техника ворсöдөм да приз пыдди сеталом. Р.В.Третьяковлөн висьталом серти, пудъясьöм лоö декабр 20 лунö. Шуда номеръяс йöзөдам газетын.

Гижöд да снимок Николай ЛЮТОЕВЛÖН.

